

Բովանդակություն

1. Ներածություն -----	2
2. Արժեքային համակարգ -----	3
3. Անձի արժեքային համակարգի ձևավորման և զարգացման դերը Դերենիկ Դեմիրճյանի <<Վարդանանք>> վեպում -----	5
4. Անձի արժեքային համակարգի ձևավորման և զարգացման դերը Րաֆֆու <<Սամվել>> վեպում -----	9
5. Անձի արժեքային համակարգի ձևավորման և զարգացման դերը Խաչատուր Աբովյանի <<Վերջ Ջայաստանի>> վեպում -----	13
6. Եզրակացություն -----	16
7. Օգտագործված գրականության ցանկ -----	18

Ներածություն

Հայաստանի Հանրապետությունում աշակերտների արժեքային համակարգի ձևավորումը ներառված է ՀՀ պետական չափորոշչում՝ որպես կրթության բովանդակ-

կային բաղադրիչ: Ուսումնական յուրաքանչյուր առարկա պահանջում է սովորադ-

ների պատրաստվածությանը ներկայացվող գիտելիքային պահանջների մեջ առանձին կետով, նշում է նաև արժեքները և դրանց ձևավորումը, որը կսովորեն

դպրոցում:

Մանկավարժական գիտության մեջ <<արժեհամակարգ>> հասկացությունն ըմբռնվում է լայն շառավիղով: Ավելի քան ընդունվում է այն ընկալումը, որ արժեհամակարգը մարդու բարոյական, իմացական, էթնիկական և մշակութային արժեքների համախումբ է, որն անհրաժեշտ է անձի ներդաշնակ, բազմակողմանի ձևավորման և զարգացման համար:

Անցյալի փորձը կուտակված է արժեհամակարգի մեջ, որի յուրացումը ձևավորում է աշակերտի մեջ նախ և առաջ հայրենասիրություն, իր ժողովրդի պատմության, նրանց

ստեղծած մշակութային արժեքների, գիտական նվաճումների, սեփական կրոնը և գիրը արժանապատիվ պահելու զգացում: Աշակերտների մոտ համազմունքների և կարողությունների է վերածվում ակտիվ ճանաչողական գործունեության պայմաններ-

րում ձևավորված գիտելիքները:

Դաստիարակության գործընթացն աճող սերնդի հանար ընթանում է տարբեր հանգամանքների ազդեցությամբ՝ ազգային, ժողովրդագրական, ընտանեկան, կրթական, մշակութային, հասարակական, սոցիալական և այլն: Չանտեսելով համամարդկային արժեքները՝ մանկավարժության համար խնդիր է դառնում սովորողների ազգային գիտակացության ձևավորումը սեփական ժողովրդի մշակույթի և պատ-

մության հենքի վրա:

Մեծագույն և նվիրական արժեքը՝ հայրենասիրությունը, կարելի է դնել արժեքների բուրգի գագաթին, որը լավագույն կերպով մատուցվում է գրականության դասընթաց-

-2-

ների ժամանակ: Ուսուցիչներից յուրաքանչյուրն ունի որոշակի առանձնացված ստեղծագործություն կամ հեղինակ, որը նրան ամենամատչելի ձևով օգնում է իր մանկավարժական խնդիրները լուծելու, բարձրագույն արժեքը՝ հայրենասիրությունը, իր սաների հոգում սերմանելու համար:

Արժեքային համակարգ

Արժեքը, աշխարհի յուրահատուկ ընկալումն է, որը ձևավորվում է ոչ միայն ձեռք բերած գիտելիքների և ինֆորմացիայի, այլև սեփական կենսափորձի հիման վրա:

Մարդու արժեհամակարգի հետ խիստ կապված է մշակույթը: Արժեքը, դա մարդու համար իրի, առարկայի կամ երևույթի դրական նշանակությունն է: Մարդու վերաբեր-

մունքն արտահայտող ցուցանիշ է արժեքը, որի կարևորագույն մասն են կազմում հավատն ու սերը:

Հավատը հույս է ծնում մարդու մեջ և նրան մղում է ապրելու, արարելու և ստեղծելու: Հավատը կողմնորոշիչ է դառնում մարդու գործունեության և կյանքի համար:

Մարդիկ ապրում են՝ հավատում են, իսկ երբ կա հավատ, ուրեմն ապրում են:

Սերը ձգտում է մյուսների հետ միավորվելու, որի մեջ են միավորվում մարդու արժեքային պատկերացումները:

Սերն անահատական, ընտրողական զգացում է, որը կարող է դրսևորվել խորը և կայուն ապրումներով:

Ըստ Յեգելի՝ սիրո ճշմարիտ եությունն այն է, որ հրաժարվես ինքդ քեզ գիտակցելուց, մոռանաս քեզ ուրիշի « Ես»-ի մեջ և այնուամենայնիվ, այդ կորսվածության և մո-

ռացվածության մեջ առաջին անգամ գտնես և տիրապետես քեզ:

Մերն, ըստ Յեզեյի, ապրում է, չի հենվում դատողությունների ու խորհրդածություն-

ների վրա, այլ բխում է զգացմունքից: Այն խիստ անհատական և անկրկնելի ապրում է:

-3-

Յուրաքանչյուր ոք սիրում է յուրովի: Սիրո մեջ մարդն իր նկատմամբ դառնում է ավելի պահանջկոտ և ձգտում է ինքնակատարելագործման: Այդ պատճառով էլ սերը մշակութային և գեղեցիկ երևույթ է:

Բարու և գեղեցիկի հետ կապվելի արժեք է համարվում նաև ճշմարտությունը:

Հաճախ կյանքում ճշմարտությունը զոհաբերվում է արժեքներին: Արիստոտելը, եթե առաջնորդվում էր «Թեև Պլատոնը բարեկամս է, բայց ճշմարտությունը թանկ է» սկզբունքով, ապա մարդկանցից շատերն առաջնորդվում են «Թեև ճշմարտությունը թանկ է, բայց Պլատոնը բարեկամս է» սկզբունքով:

Արժեհամակարգի ստեղծումը պետք է դառնա կրթության հենքը և գլխավոր իմաստը: Դպրոցում պետք է ստեղծվի մի օրինակելի տարածք, որտեղ հաստատուն են էթիկական նորմերը, ուր աշակերտները սովորում են դրանց համապատասխանել:

Մ. Վեբերը արժեքը մեկնաբանում է որպես այս կամ այն պատմական ժամանակաշրջանի դիրքորոշում, որպես դարաշրջանին հատուկ հետաքրքրասիրության ուղղու-

թյուն:

Դպրոցն է ձևավորում սերունդների արժեհամակարգը: Ժամանակակից դպրոցի

կարևորագույն առաքելություններից մեկն էլ երեխայի մեջ իր ազգին բնորոշ բարո-

յական և հոգևոր արժեքների ձևավորումն ու զարգացումն է:

Ժամանակակից դպրոցի խնդիրն է պահպանել և փոխանցել այն արժեքները, ո-

րոնք ժառանգել ենք մեր նախնիներից, և որը մեր անխառն ինքնությունն է համաշ-

խարհային մշակույթի բազմազանության և բազմերանգության մեջ: Դպրոցում կրթու-

թյան և դաստիարակության գործընթացի ճիշտ կազմակերպման համար կարևոր են

բարձրարժեք ստեղծագործությունների ուսումնասիրումն ու ուսուցումը՝ ի դեմս

պատմավեպերի:

Պատմավեպերում արտահայտված են մեր ժողովրդի հոգեկերտվածքը, աշխարհ-
ընկալումը, մարդասիրական և հայրենասիրական գաղափարներն ու գալիքի
երա-

-4-

զանքները: Այստեղ է, որ ամենավառ ձևով արտացոլված է մեր ազգի ազգային հա-
վաքական բնույթը, անդրդվելի կամքը, ներքին զորությունն ու
հնարավորություննե-

րը, վերածնվելու, ապրելու և հարատևելու ունակությունը, ազգերի պատմության մեջ
իր արժանի տեղն ունենալու ձգտումը: Սա է ամենակարևորը, որ պետք է ավանդել
և որ սերունդներին: Այն գիտակցության նա պետք է հասնի, որ հասարակական կյան-
քի առաջընթացը պայմանավորված է համախմբվածությամբ, գիտելիքների բարձր
մակարդակով ու մշակութային արժեքների ոչ միայն ստեղծմամբ, այլ նաև
պահպան-

մամբ: Պետք է դաստիարակել սերունդ, որը կկարողանա շարունակել ազգային լա-
վագույն ավանդույթները, մարդկությանն ու աշխարհին ցույց տալ իր
մշակութային

հարստությունն ու բարոյական արժեքները:

Փորձենք հասկանալ, թե ինչպես է ձևավորվում արժեքային համահարգը
պատ-

մավեպերը ուսումնասիրելիս: Պատմավեպերը դաստիարակչական վիթխարի ներուժ

ունեն: Այն ուսումնասիրելիս աշակերտի մոտ ձևավորվում է բարոյականի և ազնիվի

գիտակցումը:

**Անձի արժեքային համակարգի ձևավորման և
զարգացման դերը Դերենիկ Դեմիրճյանի
<<Վարդանանք>> վեպում**

Դերենիկ Դեմիրճյանի <<Վարդանանք>> պատմավեպով հասկանանք, թե պատմավեպը ինչ արժեքներ կարող է ձևավորել ժամանակակից սերնդի մեջ:

Վեպը Դեմիրճյանը գրեց պատերազմի ժամանակ՝ 1943 թվականին, վեց ամսվա ընթացքում: Պատերազմը միայն առիթ էր, որ պորթկար տասնամյակների ընթացքում

կուտակված խոհերը, զգացմունքներն ու մտքերը: Պատերազմի ժամանակ ստեղծ-

-5-

ված գիրքը ոգեշնչման և հող հայրենին պահպանելու լավագույն տարբերակ էր:

Վեպը անձի մեջ ձևավորում է հայրենասիրություն, հավատ, իր ունեցածը պահ-

պանելու արժեքներ, ինչու չէ, նաև հակակրանք և բացասական վերաբերմունք է ձե-

վավորում դավաճանների, ազգուրացների և կրոնոփոխ եղողների նկատմամբ: Այս

պատմավեպում կարևոր է նաև ժողովրդի դերի ըմբռնման հարցը: Ի տարբերություն

Րաֆֆու <<Սամվելի>> և Մուրացանի <<Գևորգ Մարգապետունու>>, այստեղ՝ <<Վար-

դանանքում>>, կարևոր տեղ է զբաղեցնում ժողովուրդը: Վեպում ժողովրդին մեծ

տեղ հատկացնելը սովորեցնում էր, որ պատմությունը կերտում են ժողովուրդները:

Դեմիրճյանը համոզված էր, որ Վարդանանք մղել են հայրենական պատերազմ, այ-

սինքն այնպիսին, երբ կանոնավոր զորքից բացի կռվում էր հաև աշխարհագորը, ժողովուրդը, կամավորները: Ահա արժեքային համակարգի մի օրինակ, որը օգտագործում է հայ ժողովուրդը և պատերազմի ժամանակ, մի բռունցք դարձած, համախըմբվում է և պայքարում թշնամու դեմ:

Վեպի թեման ազգային-ազատագրական պայքարն է, ոքին ու բովանդակությունը՝ հայրենիքի ազագրման գաղափարը: Շլացուցիչ վարպետությամբ է Դեմիրճյանը պատկերել հինգերորդ դարի տազնապալի ու օրհասական վիճակը, հայոց աշխարհի ընդվզումը, պատմական պահի լրջությունը և ժողովրդի հերոսական ոգին: Խոսելով վեպի առաջին հատորի մասին Խսահակյանը գրում էր. «Վեպը վառվում է ռազմական կրակով, յուրաքանչյուր էջից, կարծես, վրնջում են նժույգները, կորովի երիտասարդները պատրաստ են կռվելու և զոհվելու հայրենիքի համար»»: Վեպի այս հատկանիշը համահունչ էր պատերազմական օրերի ոգուն:

Պատմավեպերի ուսուցման ընթացքում լուծվում են սովորողների կրթական, դաստիարակչական կամ արժեքային ընդհանուր զարգացման խնդիրներ: «Վարդանանանք» վեպը ամբողջությամբ հագեցած է հայրենասիրությամբ և դավաճանների

հանդեպ բացասական վերաբերմունքով: Վարդանանք վեպի ուժերն են, որ վճռակա-

-6-

նորեն կանգնած են երկրի պաշտպանության դիրքերում: Հայրենասիրություն և

վորելու լավագույն օրինակներն են: Դա նախ և առաջ Վարդան Մամիկոնյանն է, նրա ընտանիք՝ մայրը՝ Մեծ Տիկինը, կինը՝ Մամիկոնեից տիկինը, որդին՝ Չոհրակը, դուստր՝ Շուշանիկը, եղբայրը՝ Համազասպը, ապա Դավիթ սեպուհը, Արտակ Սոկացը, Ատոմ Գևունին, Ներշապուհ Արծրունին, Սրվանձտյան Գարեգինը, Գեղեոնը, Աստղիկը Դևունդ երեցը և ողջ հայոց աշխարհը:

Շինականի հայրենիքը հողն է, և նա վեր է կացել պարսիկի դեմ այդ հողի համար,

Նա հավատում է հողի զորությանն ու հավերժությանը և համոզված է, որ թշնամիները

կգան ու կգնան, հողն ու աշխարհը կմնան: Այդ գիտակցությամբ են կռվում վեպի շի-

նական հերոսները՝ Առաքելը, Սահակը, Խանդուբը, և ուրիշներ:

Վեպում Վարդանանք միակերպ զանգված չեն, այլ Նույն գաղափարի շուրջ համախմբված անհատականություններ: Աշակերտների մոտ իրենց հայրենասիրությամբ և

անձնվիրությամբ արժեքային համակարգ կարող են ձևավորել Ատոմ Գևուկին, Արտակ Մոկացը և այլոք:

Ատոմ Գևուկին հմուտ ու քաջ զորական է՝ ամբողջովին նվիրված հայրենիքի պաշտպանության գործին: Նա այնքան լավ է տիրապետում ռազմական արվեստին, որ Ավարայրի ճակատամարտի ժամանակ Վարդանը նրան է ավանդում իր գործի շարունակության պատիվը: Ատոմն օժտված է իր դասին վայել հպարտությամբ ու արժանապատվությամբ և չի հանդուրժում ռամիկի ըմբոստությունը:

Արտակ Մոկացը հակված է փիլիսոփայելու, նա խորհում է հայի ոգու, նրա արվեստի ու փիլիսոփայության մասին: Նա ժողովրդի իմաստասիրական ոգու կրողն է, որ սուրը ձեռքին կռվում է ոգու պահպանման համար:

Վեպում կանայք ունեն կարևոր և արժեհամակարգ ստեղծող դեր: Նրանք վեպում

մեծ թիվ են կազմում և համալրում են հայրենասերների բանակը: Նրանք կռվում են ազատության համար՝ մոռացած կանացի տկարությունը:

-7-

Այս ամենի հայրենասիրական մղումներին ընթացք տվողն ու նրանց առաջնորդողը, Վարդան Մամիկեյանն է, ով քաջության, հզորության և անպարտության մարմ-

նացում է: Վարդանը ապրում է երկրի հոգսերով՝ մոռացած իր անձը: Նա սիրում ու գնահատում է իր զինվորներին և որքան խիստ է որպես զինվոր, Նույնքան ջերմ է

Նրանց նկատմամբ՝ իբրև մարդ:

Բոլոր ժամանակներում հայ գինվորը կռվի պետք է գնա՝ Վարդան Մամիկոնյանին իր աչքի առջև ունենալով, և նրա խոսքերը ականջներում և արիության ու քաջու-

թյան մեջ վախկոտություն չխառնի:

<<Վարդանանք>> վեպը աշակերտի հոգում վառում է հայրենասիրության կրակը՝ վեպի հայրենասեր հերոսների, նրանց գործողությունների, անձնագրիության և

հայրենասիրության բացահայտումներով: Հայրենասիրությունն այն մեծագույն ար-

ժեքն է, որ հարգանք ու պատկառանք է հարուցում, նույնիսկ, երբ դրսևորվում է հա-

կառակորդի կամ թշնամու մոտ:

Վեպը աշակերտներին բացի հայրենասիրությունից, նաև սովորեցնում է պահել և

պահպանել սեփական գիրը, կրոնը և մշակույթը: Չէ որ Ավարայրի ճակատամարտը բացի հայրենիքից նաև գրի, կրոնի և մշակույթի, հայի ինքնության պահպանման ճա-

կատամարտ էր: Թև հայերը կռվում կորցրին իրենց առաջնորդին և Նահանջեցին,

բայց կարողացան պահել ու պահպանել քրիստոնեությունը և Աստծո զորությամբ տրված գրերը: Աշակերտները պատք է գնահատեն այդ արժեքները և այդ արժեքների կրողն ու պահապանը դառնան:



Անձի արժեքային համակարգի ձևավորման և զարգացման

դերը Րաֆֆու <<Սամվել>> վեպում

Արժեհամակարգ կարելի է ձևավորել նաև Րաֆֆու պատմավեպերով, մանավանդ, որ Րաֆֆին էլ գրել է. <<Պատմական վեպը, մի ժողովրդի պատմական կյանքի նկարագիրն է: Նա պատկերացնում է յուր մեջ, թե որպես ապրել և որպես գործել է մի ժողովուրդ, պատկերացնում է նրա բարքը, վարքը, սովորությունները, պատկերացնում է նրա մտավոր և բարոյական հատկությունները...>>:

Րաֆֆու կարծիքով պատմությունը կրկնվում է և պատմական անցյալի ու ժամանակ-

նակակից դեպքերի միջև կա մի զարմանալի նմանություն: Հետևաբար պատմություն-

նը ոչ միայն անցյալի հայելին է, այլև ներկայի խորհրդատուն: <<Պատմությունը մի վարդապետարան է, - ասում է Րաֆֆին, - մի դասարան է, որի մեջ ապագա սերունդը

կրթվում է, զգուշանալով իր նախահարց սխալներից և հետևելով նրանց լավ գործերի

օրինակին>>: Բազմաթիվ արժեքներ կարելի է վերցնել Րաֆֆու <<Սամվել>> վեպից:

Վեպի հիմքը ազգապահպանության գաղափարն է, որը եղել է չորրորդ դարում, տասնիններորդ դարում և այսօր էլ կրկնվում է: Գալիք սերունդը պետք է վեպից վերցնի ամենաազնիվը, վեհը և վսեմը: Իր համար դարձնի ուղղենիշ և ընդանա ճշտի և վը-

սեմի ճանապարհով: Մերժի ստախոսներին, խաբեբաներին և հայրենիքի դավաճան-

ներին: Կարողանա հայրենիքը պաշտպանել զենքով և գիտությամբ: Այսօր ևս պըտըտվում է պատմության անիվը և հայ ազգը նորից պատերազմների թատերա-

բեմում է և գերտերությունների ձեռքին խաղալիք է: Աշակերտը պատմավեպերից

պետք է սովորի հայրենասիրություն, հավատարմություն, արիություն և քաջություն,

պահպանի իր հավատը, մշակույթը, սովորույթները և ավանդությունները, չէ որ

-9-

<<Ամեն մի նոր մոռացված հինն է>>:

Պատմավեպի միջոցով աշակերտը կճանաչի իր ազգի բարեկամներին, նրան օրհասական պահերին ժամանակին ձեռք մեկնողներին և բարեկամի դիմակի տակ թաքնված թշնամուն, ով, միշտ ձևանալով բարեկամ, խլում է հայից իր հողը և նվի-

րում թշնամուն՝ ինչ-որ բանի դիմաց՝ ունենալով իր անձնական շահը:

Վեպում նկարագրվում են չորրորդ դարի իրադարձությունները: Վեպի <<Մեկը-արևմուտքում, մյուսը-արևելքում>> վերնագրով հատվածում Րաֆֆին շեշտը դնում է հայոց պատմության մի ցավալի իրողության վրա: Դա նրա կախվածությունն է արևել-

քի և արևմուտքի միջև: Եվ այս բաժանումը երկու մասի, դարձավ նրա պատմության

գլխավոր չարիքը: Արշակ Երկրորդ թագավորը փորձեց նոր ուղղություն տալ հայոց պատմությանը, թոթափել երկիրը պարսկական ու բյուզանդական բաժանումից և

ստեղծել ուժեղ, իրնքնուրույն, անկախ պետություն: Սակայն նախարարների կենտրոնախույզ դավադրությունը ձախողում է նրա ծրագրերը:

Պատմությունը կրկնվելու հատկություն ունի: Այսօր Հայաստանը ունի Արշակ Երկրորդի երազած անկախությունը, որը հայ ժողովուրդը ձեռք է բերել բազմաթիվ մաքառումներից հետո, բայց այսօր հայրենիքը կանգնած է ընտրության առջ և կարող է մի չմտածված քայլի պատճառով կորցնել իր անկախությունը, զրկվել բազմաթիվ տարածքներից, որը մեզ է ժառանգվել հայրորդիների թափած արյան շնորհիվ: Աշակերտները պետք է հասկանան, որ կյանքում ամենաբարձր արժեքը հայրենիքն է:

Վեպի հիմնական գաղափարներից են հայրենասիրությունը և ազատագրական

պայքարը: Հայրենասիրության լավագույն օրինակներ են նաև կանայք, ովքեր օրինակ են ծառայել բոլոր ժամանակներում:

Վեպի գլխավոր հերոսները՝ Սամվելը և Մուշեղ Մամիկոնյանը, հայրենասերի բացառիկ օրինակ են: Սամվելի համար ստեղծված է բարդ կացություն: Նրա առջև կանգնած են երկու մեծություն՝ ծնող և հայրինիք, երկուսն էլ հարազատ ու սիրելի:

-10-

Նա պետք է ընտրություն կատարեր դրանց միջև՝ կամ ուրանալ հայրենիքը, կամ հրաժարվել ծնողներից: Սամվելի << կրթությունն այնպիսի անձանց խնամքով էր կատարվել, պատրաստել էին նրանից մի անձնվեր որդի՝ նախ հայրենիքի և ապա ծնողաց>>: Բաֆֆին վկայակոչում է այս փաստը, համոզելու համար, որ Սամվելի կողմնորոշումը ուներ հիմնավոր բարոյական հիմք: Ահա թե ինչու հենց սկզբից մի << մռայլ >>

խորհուրդ առկայծում է նրա գիտակցության մեջ: Այս կասկածները նա հայտնում է իր

հորեղբոր որդուն՝ Մուշեղ Մամիկոնյանին, Սահակ Պարթևին, Մեսրոպ Մաշտոցին,

ապա և իր սիրած աղջկան՝ Աշխենին: Բոլորն էլ իր վճիռը համարում են իրավացի,

բայց դա գաղափար էր, որ պիտի ձևավորվեր հոգեբանորեն:

Կատարվել էին սարսափելի դեպքեր, և Սամվելն արդեն հոգեբանորեն լուծել էր ներքին կասկածները: <<Կատարված իրողությունները որքան և դառն էին, նույնքան

ավելի հաստատեցին նրա մեջ այն մթին խորհուրդը, որ վաղուց հղացած էր յուր սրտում>>:

Վեպի կիզակետում Սամվելը կատարում է իր բարոյակն սիրանքը: Առաջին հայացքից կարելի է կարծել, թե Սամվելի արարքը հակաբարոյական է, քանի որ նա մեղանչում է ծնողական սրբության դեմ: Սա հարցի պարզունակ պատկերացում է:

Բաֆֆին գործ ունի բարոյափիլիսոփայական բարձր գաղափարի հետ, որի իմաստը

ավելի համամարդկային է, քան անձնական ըմբռնումից ելնող նախապաշարմունքը: տվյալ դեպքում խոսքը վերաբերում է ազգի և պետության ճակատագրական պահի հոգեբանությանը, որ վեր է սենտիմենտալ հուզականությունից: Այս իրողությունը խո-

րապես ըմբռնում էր նաև Վահան Մամիկոնյանը:

Սամվելի արարքը Ռաֆֆին որակում է որպես <<նշանավոր գործ>> և նշում, որ դա <<ապագայում օրինակ պիտի դառնար շատերին>>: Նշանավոր այդ գործը այն է, որ Սամվելը լուծում է քաղաքացիական էթիկայի հարցը հօգուտ հայրենիքի: Նա ելնում է այն համոզմունքից, որ հայրենիքը բացարձակ է, իսկ մյուս բոլոր զգացնունք-

-11-

ները՝ մասնավոր: Մասնավորը կարելի է զոհաբերել բացարձակին, բայց մեղանչել հայրենիքի դեմ՝ դավաճանություն է, այսինքն հանցանքներից ծանրագույնը: Այս մեղանչումն է, որ կատարում են Վահան Մամիկոնյանը, Մերուժան Արծրունին, Հայր Մարդպետը:

Ի հակադրություն դավաճանների, Ռաֆֆին մարդկային բարձր առաքինությամբ է

օժտել հայրենասեր հերոսներին: Եպիկական գույներով կերտված կերպարներ են Արշակ թագավորը, Վասակ Մամիկոնյանը, Փառանձեմը և շատ շատերը, որոնք իրենց հայրենասերի կերպարով կարող են լավագույն օրինակ դառնալ:

Վեպի <<Երեք երիտասարդ ուժեր>> գլխում խոսվում է Մեսրոպ Մաշտոցի և Սահակ Պարթևի մասին, որ նրանք հղացան տառեր գրելու գաղափարով և <<Ով

կարող էր մտածել,- գրում է Ռաֆֆին,- որ այդ գիշերվա ջերմ վիճաբանությունից քսաներեք տարի հետո, այդ երկու նշանավոր տաղանդները կկատարեին իրենց

ուխտը և սկիզբ կդնեն հայոց մեծ լուսավորության ոսկյա դարին>>:

Ապագա սերունդների առջև դրված է մի գերխնդիր՝ պահել և պահպանել հայրե-

նիքը, գիրը և հավատը: Պատմավեպի շնորհիվ աշակերտի մոտ պետք է ծնել այդ գաղափարը, և այն պետք է արմատակալի նրանց հոգիներում: Նրանք պետք է կարողանան խնդիրները լուծել ոչ միայն ուժով, այլ խելքով և դիվանագիտությամբ, ինչի կարիքը, ցավոք, բոլոր ժամանակներում էլ զգացվել է: Բայց միշտ գտնվել է լուսավոր մի կետ, լույսի մի շող և փրկել է հայրենիքը օտար զավթիչներից: Ապագա-յում թող այդ լուսավոր կետը դառնան մեր սաներից յուրաքանչյուրը:

-12-

Անձի արժեքային համակարգի ձևավորման և զարգացման

դերը Խ.Աբովյանի <<Վերք Յայաստանի>> վեպում

Պատմավեպի մի յուրօրինակ տեսակ է <<Վերք Յայաստանի>> վեպը, որից աշակերտները կարող են սովորել արիություն, քաջություն, հայրենանվիրություն, ազգապահպանություն, սերը դեպի ծնողը, յուրայինը, անհատը և հայրենիքը:

Ազգի կենսունակությունը որոշվում է երեք հատկանիշով՝ հոգևոր կարողություն,

ֆիզիկական ուժ և բարոյական միասնություն: Յայ ժողովուրդն ունի արդյոք այդ հատ-

կանիշները: Այդ հարցին Աբովյանը միանշանակ դրական է պատասխանում իր <<Վերք Յայաստանի>> վեպում, որի գաղափարը հանգում է հայ ազգի ֆիզիկական,

հոգևոր և բարոյական հարստության բացահայտմանը: Աբովյանը աշխարհին ամենից

առաջ ազդարարում է մեր ինքնաճանաչման հարցը, թե ով ենք մենք և որտեղից ենք գալիս: Դրա պատասխանը հեղինակը տալիս է վեպի առաջաբանում:

Աբովյանը մեզ և ողջ աշխարհին իր վեպով ներկայացնում է հայ ժողովրդի ողջ կենսագրությունը, պատմում է բերդերի ավերակների հետ կապված ավանդույթները,

հիշատակում է երևելի թագավորների ու հերոսների անուններ, ցույց է տալիս օտար նվաճողների դեմ պայքարում հայ նախարարների մեծագործությունները: Աբովյանը անցյալի և ներկայի միջև ստեղծում է մի կապ և ապացուցում, որ այդ ֆիզիկական

ջիղը չի անհետացել և շարունակում է գործել Աղասու և իր ընկերների, Ապարանի և

Խլղարաքիլիսայի հերոսների միջոցով: Ապարանցի պատանի Վարդանի սիրանքը հայկական ոգու հզորությունը վկայող մի գեղեցիկ ավանդություն է: Նա սուրբ Վար-

դանի անունն էր կրում և նրա նման նահատակվում է հանուն ազգային արժանա-

պատվության և հավատի:

Ամենամեծ արժեքները մարդու կյանքում պետք է լինեն հայրենիքը, կրոնը և լեզվ- գուն: Աբովյանի վեպով աշակերտները կարող են գնահատել այս արժեքները: Հեղի-

-13-

նակը նշում է, որ երբ վերացավ հայոց թագավորությունը, <<քրիստոնեությունը դառավ Հայոց ազգի հույսն ու ապավենը>>: Այսինքն, հեղինակն ուզում է ասել, որ չկար թագավորություն և հային մարմնավոր պահող զորեղ ուժ և հայ ազգը ապավինում էր միայն Աստծուն և պահպանում էր քրիստոնեական հավատալիքները: Չորեղ խոս-

քեր է հնչեցրել ինչպես հավատի, այնպես էլ լեզվի մասին.<<Մի ազգի պահողը, իրար

հետ միացնողը լեզուն ա ու հավատը>> և հայ երիտասարդներին թախանձագին ուղ-

ղում է իր խոսքերը. <<Ձեզ եմ ասում, ձեզ, հայոց նորահարս երիդասարդք, ձեր անու-
մին մեռնիմ, ձեր արևին ղուրբան, տասը լեզու սովորեցեք, ձեր լեզուն, ձեր հավատը
ղայիմ բռնեցեք>>:

Աբովյանը նշում է, որ հոգևոր և ֆիզիկական այս արժեքներով էլ <<հայ ազգը
արա-

րած աշխարքին հավիտյանս հավիտենից կարող է համարձակ ցույց տալ, թե ինչքան
հոգի ուներ, ինչքան կամաց գորություն, սրտի հաստատություն, որ իրան չորս
կող-

մին էն հզոր ազգերը կորան, փչացան, անուները չկան, հայոց ազգը անուն էլ ունի
ու իրան հավատն ու լեզուն, մինչև էսօր իր արևի գնովը պահեց, հասցրեց, որ մեկ
ազգ էլ ա էսպես օրինակ չունի>>:

Եթե ֆիզիկական, հոգևոր և բարոյական արժեքները չիրվեն գործողության
մեջ,

ապա դրանք փրկության երաշխիք լինել չեն կարող:

Աբովյանի համար իր սիրո և վշտի առարկան հայոց ազգն է և հայրենիքը: Նա վե-
պում մարդկանց ցույց է տալիս ճշմարիտ ճանապարհը, որն ազգի ու հայրենիքի
սերն է:

Հեղինակն իր վեպով աշակերտներին ուսուցանում է նաև նահատակների
հիշա-

տակը պահելու առաքիտություն: Ցավոք, հայ աշակերտներն այսօր իրենց քաղաքում,
շրջապատում և հարազատների մեջ ունեն հայրենիքի համար զոհված նահատակ-
ներ, և վերքերը դեռ թարմ են, և վստահ եմ, որ Աբովյանի խոսքը լսողներ և
պահող-

ներ կլինեն նրանք, քանի որ իրենց սեփական մաշկի վրա զգացին պատերազմի
ծանր հետևանքները:

Կյանքի ու մահվան փիլիսոփայությունն էլ Աբովյանը վկայակոչում է ազգասիրության և հայրենասիրության իրական լինելու համար: Նշում է, թե առհասարակ այս աշխարհում ինչ խորհուրդ ունի և որն է նրա գոյության նպատակը:

<<Գանձ ու հարստություն, պատիվ ու նշան, իշխանություն և մեծություն մինչև գե-

րեզմանի դրադն են մեզ ընկեր և ոչ բարեկամ... Աշխարքն էսպես ա: Քո գործքը, քո գործքը միայն քո անունը կպահեն: Հայրենասիրությունը միայն քո հիշատակը կտոնի, ազգասիրությունը՝ քո արածը կենդանի կպահի, քեզ սրբի տեղ պաշտիլ կտա>>: Այս խոսքերով Աբովյանը ուզում է ասել, որ այս աշխարհը հավերժական է, մարդը՝ անցավոր: Մարդու անունը հավերժ հետևորդների հիշողության մեջ պահողը բարի գործն է, և ավելի մեծ առաքելություն է ազգի և հայրենիքի պիտանի լինելը և բարեգործություն անելը:

Աբովյանը հայրենասիրության գաղափարը դարձրել է սեր և զգացմունք և ցուցադրել է ժողովրդի հոգեբանության մեջ և ներկայցրել որպես կենսական արժեք:

-15-

Եզրակացություն

Հետազոտական աշխատանքում շոշափված է այնպիսի թեմա, որը շատ մեծ

նշանակություն ունի հայ ժողովրդի և Հայաստանի համար: Այն է՝ պատմավեպերի դերը անձի արժեքային համակարգի ձևավորման և զարգացման գործընթացում: Արժեհամակարգի ձևավորման համար դպրոցում անփոխարինելի դեր ունեն ուսումնական բոլորն առարկաները, հատկապես՝ գրականությունը, որը աշակերտներին ծանոթացնում է հազարամյակների փորձ ունեցող հայկական քաղաքակրթությանը,

նրա առաջացման ու զարգացման օրինաչափություններին, ձեռք բերումներին, ստեղ-

ծած արժեքներին և նվաճումներին, նաև՝ այդ ճանապարհին հայ ժողովրդի դժվա-

րություններին ու կորուստներին:

Պատմավեպերն ուսումնասիրելիս աշակերտի մոտ ձևավորվում է ազգային դիմա-

զիծ, պետականակերպ մտածելակերպով, հայ ժողովրդի դերը պատմության մեջ պատկերացնող, հայոց ազգային և համամարդկային արժեհամակարգ կրող պատասխանատու անձ և քաղաքացի: Ելնելով վերոնշյալից՝ կարող ենք եզրահանգել, որ արժեքային համակարգի ձևավորումը ժամանակակից դպրոցի խնդիրն է և մշտա-

պես պետք է լինի մանկավարժների ուշադրության կենտրոնում:

Որպես հայ, յուրաքանչյուր աշակերտ պետք է իմանա, թե որն է իր անելիքն այստեղ՝ հայրենիքում: Դպրոցում ստացած արժեհամակարգը աշակերտին կհուշի սեփական առաքելության մասին, որտեղ ամենակարևորը՝ հայրենիքը, իրական սիրով

սիրելն է: Պետք է պահպանի անփոխարինելի արժեքները՝ հայրենիքը, հավատը, կրթունքը և մշակույթը:

Կրթության գլխավոր իմաստը և հենքը պետք է դառնա արժեհամակարգի ձևավոր-

րումը: Արժեքների ձևավորման ազգային և համամարդկային ընդհանուր չափորո-

շիչները, երբ վերանում են և վարքի կարգավորիչ են դառնում պահի նպատակա-

հարմարություններն ու իրավիճակը, կարևորագույն խնդիր է դառնում արժեհամակարգի գոյությունը կամ բացակայությունը, քանի որ արժեհամակարգը պետք է ձևավորվի ազգային հոգևոր-բարոյական ընդհանրականության հենքի վրա:

Օգտագործված գրականության ցանկ

1. Դերենիկ Դեմիրճյան <<Վարդանանք>> Երևան 1987 <<Լույս>>
2. Ռաֆֆի Երկերի ժողովածու հատոր ութ <<Սամվել>> 1986 <<Սովետական գրող>>
3. Խաչատուր Աբովյան <<Վերք Ջայաստանի>> Երևան 1955<<Հայպետհրատ>>

